



九國志卷三

吳

田顧

顧字德臣廬州合肥人博覽書傳容止儒雅雄果有大志少與行密同鄉及戍塞上情好愈密軍回俱遷八營主將中和二年行密圖有淝上顧首為輔翼光啓二年壽春張勳遣將魏虔率衆來寇行密遣崔自審敗復命顧往大破虔衆于楮城鎮三年從行密破秦軍于維揚顧功稱最文德元年圍趙鏗于宛陵明年夏鏗糧盡舟出東溪乘瀑流以逸將奔淮南鏗度行密皆步騎限水無從復至因泊永陽解甲登岸初顧疑鏗將遁密造輕舟擬之至是追及鏗奔不暇為顧親執以獻奏授顧馬步軍都虞候檢校尚書

老在印卷

自後進程亦
二年

左僕射是冬與安仁義攻杜稜于常州下之十二月復為
孫儒所敗大順元年秋顧屯浙右懼儒兵盛焚浙右營散
于野二月春退軍黃池廣德與孫儒軍寨壘相望顧兵屢
戰多北會夏大雨儒營多墊溺避水而歸是秋儒盡焚維
揚復濟師廣德十月顧率敢死士十人夜襲儒將張景思
沈繁二寨破之擒繁而返十二月顧與劉威大為儒所敗
行密怒盡奪其衆儒遂乘勝逼城戴友規言於行密曰彊
敵匪壘不用田顧恐非長策行密遽復起之明年六月盡
破賊寨顧親與其下范文感等臨陣擒之秋行密歸淮海
表顧寧國軍節度累遷檢校太保同中書平章事乾寧三
年夏同安仁義破越之蕪州光化末馮弘鐸以樓擄自將
介守上元顧以厚利購得其工令速成大艦上曰馮公每

一舟必遠求梗楠既成數十歲為用餘木性不禁水非久
必敗顧云汝但以此地木造之吾只圖一用不暇多年尔
因而急就天復二年四月果與弘鐸戰于曷山弘鐸大敗
舉族奔淮海時以上元地歸行密顧隨入覲會行密左右
要賂者衆下及獄吏亦有私情顧愀然不懌謂所親曰斯
吏亦欲吾下獄哉顧方求池歛為屬郡行密復未之許顧
意望素高由是愈不能滿及回指維揚南水門云此門不
復經入矣初行密克定江淮方撫循百姓而顧與安仁義
朱延壽等皆猛鷲驍果以攻取為務行密憚其難制每抑
之是秋錢鏐游臨安其下許再思徐綰以餘杭外城叛召
顧為應鏐得夜從水路入保子州城時顧圍之愈急鏐屢遣
間使求哀行密行密亦以顧若得志抗越為患必深不若

以子孫從亦

存鏐別圖進取因召顧歸鎮鏐復輸錢二百萬貫以元璫為質顧始旋軍自是財富兵盛復以取杭越垂下為行密所召乃與錢鏐和親反意遂決三年秋顧與潤州安仁義同叛初召其謀將康儒議多忤意行密因而間之遣使授儒廬州刺史顧果疑儒私納款遂族儒先是行密遣李神福攻武昌及顧反行密急召神福旋師顧聞之復以兵襲上元劫神福子承鼎遣喻意云苟見機從吾事平之後當分地以治別命將汪建以接擄踵其後神福不顧叱左右射承鼎以誓諸軍明日大破建於吉陽磯顧聞建敗自督親軍求戰神福收兵皖口際水為堅柵是時行密別遣臺濛王茂章率步騎以往顧復委舟師於汪建王壇自出廣德迎戰大為臺濛所敗遂率殘眾遁保宛陵壇建聞其敗

因盡以舟師歸款于行密十二月顧出外州柵疾戰橋陷馬墜為外軍所殺時年四十六顧母老行密哀而捨之初顧與行密微時約為兄弟渥渭俱以子孫禮事其母顧善撫將卒通商惠民復踈財愛樂文士時游其門者楊夔康駟夏候淑殷文圭杜荀鶴王希羽晚年楊夔知顧以兵賦自恃將謀為變因著溺賦以諷之顧終不顧以至於敗卷萬八千一百三十四第頁至六頁

安仁義

仁義沙陀人初事李國昌於塞上以過奔河南隸秦宗權軍中光啓三年擢為馬軍指揮使從宗權弟宗衡攻維揚及宗衡遇害復奔行密行密得之甚喜盡以騎軍委之列在田頔上文德元年從行密破趙鏗于眉山與顧攻杜稜

于常州破之大順初梁祖遣將龐從率衆十萬至高郵孫儒盡衆禦之行密乘虛襲據浙右命仁義率衆敗儒將劉建峯於武進儒復渡江陷蕪州自是與儒春夏鬪黃池秋冬戰廣德儒軍竟以衆勝圍行密仁義於宛陵時儒亦久戰不決貽書仁義叙舊款密欲令行密猜問之行密待遇愈至辟為行軍副使依前馬軍都指揮使景福元年行密仁義及田頔背城晨戰儒軍大敗破五十餘寨以功奏授檢校尚書左僕射潤州刺史仁義蕃姓好貨雜凋弊之後科歛尤急初儒之亂士庶多奔豫章及諸郡平流者皆復行密皆以循吏守之唯浙右人聞仁義所為相與悲歎曰獨吾郡乃得蕃人以是多無歸者天復三年仁義遣衆盡焚東塘戰掉結連宣州田頔以叛潛兵襲常州刺史李遇

設伏於路率兵前戰因極罵仁義仁義止其衆曰遇何敢辱我至此是有伏兵也偵之果然仁義戰久而敗遇因襲之至夾岡仁義立二幟於岡上乃解甲而食無敢追者行密遣王茂章李德誠攻仁義仁義不毀濠梁常開門出戰與茂章對敵無不先告所中而後射之故諸將多挫銳而止以是歷年不能破天祐二年仁義之衆漸寡自度終不濟乃擁其家屬登城樓外衆無敢登者呼李德誠謂汝最福人可以委吾命擲去弓矢令德誠執之父子俱斬於廣陵市

卷一萬八千一百三十四第六頁

朱延壽

延壽廬州舒城人行密之妻弟也美容未冠事行密從征秦畢孫儒皆以摧堅陷陣受賞行密鎮維揚授延壽以

扞城之任時軍中多盜行密方務寬恕求得士伍心知延壽好殺每捕至者必并所盜物遺而賞之仍誡之曰慎勿使延壽知既而密報延壽俱復擒殺之乾寧初黃州吳討歸款遣延壽援之狗地蘄陽而還從圍壽春城堅不可拔將捨之延壽請以所部試往臨城一舉而破城中市不易肆以功署淮南節度副使壽州刺史明年取蘄光二州以功遷團練使四年後征葛從周於潁河敗之是後梁將屢寇淮上延壽每開閔延敵未嘗敢逼天復初北司擁駕西幸昭宗聞延壽有武幹遣李儼間道齎詔授延壽蔡州節度使令促行密與諸道掎角共誅梁祖會鳳翔圍解而止田頔安仁義結構延壽叛將分地而治行密憂形於色即詐為目疾每接延壽使必錯亂所見以示之嘗誤觸楹柱

而朱夫人救之良久始蘇因泣曰吾今喪目軍府事大見子輩俱幼不如得三舅代治吾無憂矣夫人因以書召之延壽不疑遂來覲行密迎至寢門使人刺殺之年三十四出夫人嫁蘄州刺史石騰既而朱瑾入賀行密曰彼二大賊不足憂惟憂此小賊今得之無事矣延壽善用兵有鈴略好以寡擊衆不勝敵而返者無不盡戮之嘗與梁人戰遣衆二百持大劍而往內指一卒留之卒云願攻賊自效延壽亦斬之其令出必行皆此類也性踈財每得賞賜皆分賚將士李昇建國以延壽子鄴列于環衛復其官爵

萬八千一百三十四頁

徐溫

溫字敦美東海朐山人少無賴入群盜中以販鹽為事中

此乃後
通修在軍中
行

和二年行密起合肥遂隸帳下為伍長常從行密征討先
登陷陣敵人畏之及平秦彥虜趙鏗敗孫儒温皆有功奏
授衙內右直都將左長劔都虞侯又從平濠泗有功授隨
身都知兵馬使檢校工部尚書天復二年昭宗徵兵入援行
密將赴之議以戰艦運糧温曰此水入吳舟楫不敢南行
岸谷既變葭葦且深必不繼矣遂令以小艦易之師次宿
州重載不能進士卒甚饑惟小艇先至一軍賴之行密嘉
之由是參預謀議討安仁義于京口諸軍頻戰不勝行密
遣温率兵援之温至城下盡易新製衣服旗幟悉用舊者
仁義不知如常而陣温乃麾軍奮擊遂敗之朱延壽入覲
行密聞其來慮有內應召温歸陰為之備既殺延壽營中
果亂温奮劔大呼斬其首惡者部分遂定既誅三叛以功

授尚書右僕射廬州長史隨授右衙都指揮使天祚二年
行密疾病渥出鎮宣城將行温謂渥曰公有病而令嫡嗣
出外必姦臣為之不可不防他日有徵召非王令某手書
非某之使幸勿應命也渥泣謝而行後行密問後于判官
周隱隱以劉威對諸將皆無言温進曰宣州既賢且長國
之令嗣不可廢也乃召渥歸行密疾甚召温與左衙都指
揮使張顥同受顧託渥既嗣位憤大臣擅權政非己出乃
置東院馬軍置立親信以為心腹温與顥頗忌之故顥將
圖弑逆温知其謀而無所諫止但引嚴可求與之計事顥
既弑渥白温議分國兵共歸款于梁祖温偽許之乃與可
東謀使鍾章姚克瞻程思忠等入殺顥温称疾不朝嚴兵
於第以防不克是日章等斬顥温乃入悉收賊黨紀祥等

誅之遂蕪左右衙事無大小皆專斷始立制度戢兵明禁人漸安堵溫謂可求曰大事定矣與公等克已行善政使人家解衣而寢於是聞者莫不感激渭襲位遷溫昇州刺史淮南節度副使七年起復檢校大尉潤州刺史浙西觀察使內外為步軍指揮使是時大臣劉威陶雅李簡之徒皆與行密同起義勲高任重溫以一旦之功超居其上皆內意不服李遇常謂人曰徐溫何人吾素所未識而遽至此豈可入覲耶乃密議誅溫溫知其謀遣柴再用討之遇出降遂夷其族於是雅等始懼而來覲溫盡禮事之如見行密雅等乃安中外遂定以平李遇功加平章事遷行軍司馬領浙西節度十二年溫請就藩以治舟師乃加浙西招討使封齊國公以金陵京口毘陵宣城新安池陽六郡

為都督府溫以金陵形勝之地乃大城昇州建大都督府十四年溫徙治金陵以第三子知訓為淮南行軍副使留廣陵以輔政十五年知訓為朱瑾所殺以長子知誥為代焉時中朝多事南北道絕諸將分守郡府雖尊奉盟主而政令征伐多以便宜從事溫以都統權不足臨制乃定冊建吳國改年武義稱制拜溫大丞相封東海郡王越人攻常州溫率眾拒之戰於無錫大敗越軍越人多舟師是歲旱江河皆竭諸將白溫曰此天亡越之時也可盡車徒之勢一舉而滅之溫曰天下紛紜民甚困矣錢公亦未可輕也若連兵不解方為諸君之憂今戰勝以懼之戢兵以懷之其勢不得不服使兩地之民各保室家吾輩亦高枕為樂豈不快哉多殺何為乃遣使盡以俘歸之於是越人請

和順義三年後唐莊宗滅梁始通使於朝五年封溫東海王賜車輅黻冕七年十月卒於金陵年六十六追封齊王謚忠武卷一萬八千一百三十四第一頁

皇王浩為左司郎中典選事付表私及官生世序浩誰世親據抄送有房

九國志卷四

南唐烈祖

烈祖

元宗

後主

山北薨將廟崇月屬宗墓廟二為為祚祖烈祖四
 郎年曹六名號德已于己名永號月義太元養姓滅祖以
 四彬月煜元文未周郊環陵烈庚祖祖年子李蓋以
 十滅嗣字宗宣薨年正位伯祖午己武封冒名宋晉
 二其位重莖孝年四朔改玉薨郊皇帝昇三年名倫小也受吳
 是國在光順帝十蓋周顯大十五年長子昇元七年三月
 日後位初陵帝六請于宋許復帝號謚曰明年六
 七主十名從嘉璟第六子宗建隆二月
 女降七年嘉璟第六子宗建隆二月
 也太平至開寶八年七月葬洛陽
 贈平興國寶六年七月葬洛陽
 師國寶八年七月葬洛陽
 封三年七月葬洛陽
 吳年七月葬洛陽
 王七月葬洛陽
 葬月葬洛陽
 洛月葬洛陽
 陽月葬洛陽

九國志卷四

南唐

周本 十國春秋入吳

本舒州宿松人漢南郡太守瑜之後祠廟隴畝皆在子孫
 守故土者猶數十戶本少孤貧嘗在田里獨格猛虎唐末
 大亂投楊行密軍中以勇敢聞常先登深入蒙犯矢石身
 無完肌及歸營自燒鐵烙其瘡飲啗言笑自若軍中猛將
 皆服之累遷淮南馬步軍使天祐五年楊氏始得江西撫
 州刺史危全諷率諸郡兵十萬來爭其地屯於象牙潭楚
 人取高安為之援江南守將劉威告急判官嚴可求薦本
 可用時本從軍圍蘇州不克耻之稱疾不出可求即卧内
 強起之本曰蘇州之役非彼強我弱也蓋上將權輕下皆

本舒州宿松人漢南郡太守瑜之後祠廟隴畝皆在子孫
 守故土者猶數十戶本少孤貧嘗在田里獨格猛虎唐末
 大亂投楊行密軍中以勇敢聞常先登深入蒙犯矢石身
 無完肌及歸營自燒鐵烙其瘡飲啗言笑自若軍中猛將
 皆服之累遷淮南馬步軍使天祐五年楊氏始得江西撫
 州刺史危全諷率諸郡兵十萬來爭其地屯於象牙潭楚
 人取高安為之援江南守將劉威告急判官嚴可求薦本
 可用時本從軍圍蘇州不克耻之稱疾不出可求即卧内
 強起之本曰蘇州之役非彼強我弱也蓋上將權輕下皆

專命故爾今必見用願無任偏裨可求為言揚氏許之得
送兵七千使救高安奉曰楚人非欲取高安也為全諷聲
援爾若先敗全諷楚人必走乃疾趨象牙潭劉威要之宴
犒不留或曰賊勢甚盛宜審觀形勝計定而後進何其遽
也奉曰賊有十倍之衆使吾軍知之必將奪氣須乘其銳
而用之既至指揮諸將戮力急攻大破其軍擒全諷諸郡
之兵皆潰楚人果遁吉州刺史危仔昌棄
城走於是江西之地始定以奉為信州刺史越將陳璋據
衢州歸款越人圍之奉受命以兵迎璋既至越人解圍陣
於城下璋以其衆來奔裨將呂師造曰賊去我咫尺而勒
陣不動是輕我也必擊之奉曰吾受命迎陳使君陳君今
在此吾事訖矣何為復戰且彼近而不動必有以待我也

凌凡有君之保駕上
有也

擊可勝乎待其先動擊未晚也璋亦以為然乃還越人躡
之至中道宿半夜佯驚棄輜重走先設伏於道左越人急
追至伏所前後夾擊盡殲其衆越人累至皆敗之唐莊宗
入濟陽吳遣司農卿盧蘋使于濟陽莊宗問吳之名將存
否而本預焉由是召入為雄武統軍出為壽州節度使移
鎮廬州拜太尉中書令封西平王奉不知書而愛重儒士
賓禮寮屬不撓其權吏民愛之性純朴伎藝無能者唯軍
旅之事則如夙習烈祖將受禪徐玠周宗等以奉及李德
誠皆位望隆重故諷之以為推戴之首本以昏耄仍不知
時變皆少子祚左右其事時吳宗室臨川王濛廢處歷陽
聞將受終乃殺監守者與親信二騎趨詣本本將見之祚
固執不可本怒曰我家郎君也何不使我一見祚閉中門

拒之濛被殺吳室遂移本隨眾至建康勸進由是愧恨數月而卒子鄴有戰功亦至廬州節度使卷一萬八千一百

九國志卷五

吳越

武肅王

年忠懿王以唐乾符二年起臨安至宋太平興國三年

文穆王

禮一柱都元年姓錢王納王歸朝三起臨安至宋太平興國三年

忠獻王

乙卯年庚申字立佑元七年第六子晉開運四年六月

忠遜王

丙寅嗣位是時猶稱契丹會同十年閏七月

月漢以弘 儂為吳越王 遂遵正朔 十二月晦內牙
 統軍使 胡思進 等作亂 劫幽衣 錦軍 傳位于弟弘
 倣居東府 二十年 始薨 年四十四 歲
 謚忠遜 以王禮 葬會稽 秦望山之原 九子漢乾祐
 忠懿王 名倣 字文德 初名弘 倣元 權第 九子 漢乾祐
 四月 元正 月乙卯 初 名弘 倣元 權第 九子 漢乾祐
 端拱 元年 太平 興國 三年 納土 歸朝 賜居 禮賢 宅
 于洛陽 縣之 賢 二月 十四 日 薨 謚忠 懿 鹵簿 鼓吹 葬
 相里陶 公原

九國志卷五

宗路振攝

吳越

杜建徽

建徽字延光 新登人 父稜 廣明中為鎮海軍節度副使 歷
 常潤二州刺史 兩浙行軍司馬 黃巢之亂 稜歸鄉黨 保聚
 徒眾 得千餘人 號武安都 鏐與董昌起兵 石鏡及平劉漢
 宏其眾 漸盛 稜為諸子曰 吾每責人 不過十罰 則為之傷
 心 竊觀錢公每臨斬決 皆談笑自若 成大事者必此人也
 遂率眾歸附于鏐 光啓中 從征薛朗 以稜為常州刺史 尋
 遷潤州 乾寧中 安仁義逼東陽 命校率師討之 仁義宵遁
 鏐平宣州 以其降卒 隸中軍 號武勇都 為腹心 稜常患之
 密遣人白鏐曰 狼子野心 稜觀武勇都士卒 終非大王所

蓄願易之鏐不聽及徐綰叛鏐思稜言遣祭其墓建徽少
彊勇不與諸昆弟類常自署軍事押衙稜聞之頗加詬責
建徽出頽左右而歎曰大丈夫何止一軍校耶後隨稜歸
鏐稜治常州為淮人所攻建徽率兵馳赴父難未及境而
城已陷遂還新登後稜自淮南歸軍中嚴整無改稜甚嘉
之累從征伐未嘗介甲所至輒有功軍中謂之虎子乾寧
初從征董昌為流天貫臂而戰不輟開平中從征姑蘓與
敵遇于河河梁斷策馬徑度及岸而馬斃因葬之至今馬
塚存焉徐綰之亂建徽率所部自新來赴難或有勸鏐東
保會稽者鏐未之荅建徽按劍叱之曰事若不濟當同死
于此誰敢東渡耶鏐甚壯之睦州陳詢叛建徽之姻也鏐
疑建徽不言俄有睦州聽吏來降持建徽所遺詢書以示

鏐皆戒勵勸亂鏐大嘉歎賜建徽錢百萬從兄建思嘗譖
建徽言其第中蓄兵伏將為異圖鏐遣人密視之一日建
徽方食堂上使者至徑抵卧內建徽但食不顧鏐感悟益
加殊待性儉率出入導從不過數人凡得賜予皆散施鄉
里親族每朝使至鏐與之宴必指建徽以示之曰此杜丞
相今日至此皆其力也其孫昭達為弘佐內都監使盛治
第宅建徽曰乳臭兒不諳事乃爾後昭達果以罪誅嘗從
擊鞠於廣揚盤辟大呼舊所中箭鏐忽自臂中迸出人皆
壯之初稜之將死也散財物於諸子至建徽但得一笏謂
曰此吾所秉者唯汝能保之建徽自授節鉞至於丞相封
勳國公皆奏授朝命子弟多至二千石連姻公室人稱其
盛乾祐三年卒年五十八

鮑君福

按此傳君福孝烈
年功多任事大為
所知乃先史陳此
者人皆以向鮑南

鮑不南
直不北
無不

向明都

陳璋

君福字慶臣餘姚人少羈貧性淳厚有膽勇餘姚有井面
濶丈餘橫以雙梁水深不可測君福每醉必寢其上及從
軍以驍勇聞初事劉漢宏及鏐東討乃率其黨來附誦曰
歸明都累從征討有功能馬上輪兩劍望之若飛電沈黙
少語軍中謂之鮑不鬧淮人寇三衢以君福為應援使屬
刺史陳章叛淮人入其城揚行密令其將李元嗣監守君
福署以郡職君福不受鏐聞之恐其被害也乃密與綰書
令其受職君福竟拒之一夕與元嗣飲伺其醉而殺之奔
歸錢塘授衢州刺史淮人屢寇其境君福每擊破之及罷
歸鏐勞之曰公在郡數年戰鬪而已豈為優賢耶因復遣
之任元瓘領清海軍節度辟為副使同平章事兼侍中天

福五年卒年七十七卷一萬八千一百三

成及

李作評

此言如傳亦
知言

及字弘濟錢塘人祖克平唐嘉王府長史父貞國子博士
及性純厚為鄉里所知光啓初江浙兵亂及保聚于富春
稱靜江都劉漢宏作亂及以所部兵從鏐討之漢宏平鏐
宴犒諸軍北關鎮將孟安亂於席上拔劍而將擊鏐坐中
驚愕不敢動及徐起舉胡床格孟安仆於地左右因擒殺
之以功奏遷散騎常侍靜江軍都指揮使潤州刺史薛朗
常州刺史丁從寔叛鏐命及討之破朗軍於陽羨進圍毗
陵從寔具牛酒以犒之並遺美女於諸將及大怒曰我當
蒞醢從寔而食之今乃以酒炙女子悅我耶因盡索諸女
斬之親督諸將攻陷其城從寔遁走以功奏授越州防禦

副使潤州刺史阮結卒命及代之遷蘓州刺史乾寧三年
淮人攻姑蘓常熟鎮將陸郢等以兵應之及不能守遂降
於揚行密行密入城閱府庫多圖書藥物由是重之與歸
淮南署行軍司馬及拜泣日及以百口託於錢塘姑蘇城
陷不能引決豈忍更圖富貴願以一介之軀贖百口之命
乃引佩刀將自刺行密遽起執其手因厚禮而歸之鏐迎
勞郊外把袂以泣署鎮海軍節度副使徐綰之叛從鏐還
至北郊鏐微服將入城及代乘其車行與賊鬪鏐遂得入
綰平奏授保大軍節度遷彰義軍加開府儀同三司乾化
三年卒年六十七

卷一萬八千一百三十七
第七十二頁

顧全武

全武杭州餘姚人少時嘗為僧博通外學機警有才略鏐

每延接與語甚器之及入都建國因辟令從戎以為裨將
軍中號曰顧和尚討賊有功累遷武勇都知兵馬使乾寧
二年董昌據越州叛遣裨將崔溫李蕙率兵屯石候全武
率眾擊破之臨陣斬溫蕙湖州將徐應起兵以應昌與淮
人圍嘉禾全武擊破其烏墩光福二柵以屯西陵三年昌
將徐珣李玄賓據肅清四封九鄉之地全武自西陵擊破
之珣玄賓皆乞降盡絕其眾昌又遣裨將湯白守石城袁邠
守餘姚全武自西陵趨石城與白遇大戰石城東斬首千
餘級白僅以身免去會稽三十里不敢出援復攻餘姚袁
邠堅壁自守昌遣將徐宣率兵援邠全武潛師斷其要衝
俟軍半過橫出擊之殺二百餘人擒徐宣翌日袁邠以城
降全武進軍圍會稽昌閱戰五雲門懸玉帛以誘我師全

全武自西陵
差鈔傷上小務

武率勵將士并力擊之昌懼退入城中遷全武諸軍都虞
候東面都知兵馬使遂攻五雲門時淮將臺濛陷姑蘇鏐
欲遣全武屯西陵以備北寇全武曰賊之根本繫於越州
豈以失一姑蘇而遂緩大眾耶當先拔越州後復茂苑未
為晚也鏐後之俄而越州陷執董昌以歸奏加全武檢校
太保明州刺史四年與沈夏許再思率師由海路以赴嘉
禾諸將欲緩入全武曰嘉禾圍閉久矣莫知我之勝負宜
速往慰之因倍道而進城中見我軍旗幟皆稱萬歲全武
與昌將李宗禮頓全戰於城外大破之獲頓全宗禮以歸
餘衆遁去俘千人以歸嘉禾平時吳將田頎守吳興聞之
亦遁去全武追襲百餘里斬馘沈溺者千計遂督衆復蘇州
吳將臺濛棄城遁走時淮軍屯崑山全武擊破之擒吳將

世宗本紀

秦裴光化二年加贊忠去偽功臣天復初淮將李神福攻
衣錦城鏐遣全武率兵禦之全武素輕神福領衆夜掩其
軍為神福所敗執全武送于淮南鏐方食聞之大驚以七
擊案曰喪我良將二年揚行密遣使來求秦裴因歸全武
鏐大喜以秦裴報之是歲徐綰許再思叛圍外城鏐懼綰
據會稽將令全武領兵屯越州全武曰東府不足往當詣
邗溝鏐曰何也全武曰綰急必召田頎來則淮南興師矣
鏐乃令全武行成於吳全武又曰獨行必不濟請擇諸公
子與之同往鏐乃以元璪甥楊氏與全武俱行至廣陵揚
行密乃遣使召頎還師明年全武與元璪同歸長興初以
疾卒年六十五全武寬裕有謀善撫士卒喜怒未嘗形也
每大敵在前輦鼓動地分布行陣頎指口授怡怡如也嘗

圍淮將秦裴於崑山裴援絕不降頗殺傷士卒全武自為
長檄以諭裴裴乃封函納款全武喜召諸將觀之既發函
乃佛書一卷蓋以全武為僧也諸將失色全武大笑曰尔
不即死何暇相譖也及裴降乃為言於鏐卒全活之時人
稱其長者卷一萬二千一百三十七第二十二頁

黃晟

晟明州鄞縣人少伉勇始應募於望海鎮鎮中立表以選
魁梧者晟以矧陋不中選隸都虞候林膺膺甚倚之後潛
歸鄞江募衆據平嘉埭權知州事楊侯召補平嘉浦將有
衆千餘人初劉漢宏以台州賊劉文知明州事侯率兵擊
破之其黨杜宗自寧海鎮率鄉豪據奉化晟自平嘉以所
部兵擊之擒杜宗赦而不殺盡驅使還台州獲其粟帛悉屬

李火

相嘉

于本道遷欽飛都副兵馬使徙奉化鎮將餘姚鎮將相喜
率衆侵越州董昌禦之不利晟領兵追喜殺之昌奏授晟
左散騎常侍充浙東道東面副指揮使會明州刺史鍾李
文卒晟遂據其郡晟好禮尚文士江東儒學之流多往之
辟前進士陳鼎羊紹素以為賓介頗加優待築居於城中
謂之措大營董昌將僭竊晟每移書諭之及鏐舉兵乃率
衆來應破越州晟功居多在任十八年開平三年卒時屬
郡刺史卒多遺疏請立其子晟疾亟獨上疏不請以子為
嗣凡府庫所蓄必題曰送鏐頗歎其忠順卷一萬二千一百三十七第二十三頁

九國志卷六

高祖

蜀

後

也二主神元一蜀八中再明高祖康高卷六
 明月月名武年年明成既西年晏姓二祖六
 年為癸衍聖六天年都至幸赴弘王年以
 四後郊字文月漢改為興李行寺名國唐
 月唐嗣化孝薨一元西元昌符僖迎字父順
 己魏位源德梁年凡川命符為焚宗僖光子二
 丑王改初明貞光改節為棧以宗圖二年
 被繼元名惠明天元度壁棧道為於許世入
 殺岌乾衍皇四一五使州道蜀州允成
 子破德建帝年武天刺幾諸衛時中陽十都
 秦滅至第廟也共成復史斷將諸軍和人五後
 川出六十號年七位年七順控軍和會年主
 驛降年一高七十永年二僖光啓年黃巢
 年時改子祖十十平九年宗啓年二十巢
 二唐咸光莖二二平九年宗啓年二十巢
 十同康天永謚年五月破馬二十巢
 八光是元陵曰於年建陳過年二乱
 歲三年年光通號敬烟三月與
 年十六天正曰瑄焰月也鹿

九國志卷六

前蜀

王宗裕

宋路振撰

宗裕建之宗屬幼從建入為牙校善遁甲絕甘分苦得將士心大順二年與王宗祐克西川遷青衣刺史建伐梓潼為第二指揮使建親督諸軍力戰宗裕必冒矢石以掖衛之東川平諸將爭功宗裕口未嘗言戰讓和接下人皆服其沈厚為東川留守昭宗下詔加以真命武成初召歸總成都城內外諸軍事其導後不避成都尹崔隱隱懲其僕宗裕大怒入白建建曰京尹五大長官汝有識之士也不能教戒參從反令我責大尹耶宗裕俛俛而去再為東川節度副大使班白者携幼以迎于道封通王永平初建興

師取秦鳳州再至縣谷宗裕饋輓貢獻道路相望建以其
盡瘁明年乃改東川為武德軍以宗裕為節度使宗裕既
秉旌鉞遂貪冒財貨以白金百兩作鋌鐫記年月每五鋌
為一束以生牛革裹之子諫曰牛革著物堅確後難可開
宗裕叱之曰何更開也罷歸衍慰諭久之自謂功高以征
伐為己任築第蜀城中頗侵損民舍有酤者青陽家不徙
去宗裕遣人以巨虺寘其舍中復投以溲穢酤者將訴於
建宗裕懼而止又於郊外廣開林莽壞掘丘墓立亭榭鑿
池沼樹花木攜妓縱酒為樂一日方醉坐軒檻中見數人
衣冠甚偉謂宗裕曰與君幽顯異路何相凌太過因相顧
大笑宗裕亦笑遽仆於地寢疾不數日卒醜三十一萬六千一
頁

王宗壽

宗壽建宗人之子幼從征伐警悟有機辯好琴碁篇什方
術皆臻其妙建入蜀奏署懷節軍使以所部鎮遏江原縣
嘗於許汝間得一鐵鏡晦不可鑒屢令工人瑩之了無所
睹著巾奩中有日矣至是忽覽之光采煥發因見市舍中
一小兒青衣卅角獨坐宗壽異而使人召之小兒曰何以
知我至此宗壽以言怛之不懼因曰我與鐵鏡來耳公不
見還神物終當化去君以還我他年當有報也宗壽出鏡
與之乃長揖謝去後宗壽得辟穀行氣之術或謂小兒傳
之乾寧初建令率所部兵平南充遂知果州事安輯離散
得郡牧之體武成初封嘉王荆南高季昌略地三峽建以
宗壽為忠州節度使兼行營招討使以鐵鑠斷夷陵江季昌

戰艦不能進宗壽禦之大敗荆人季昌奔歸以功加中書
令宗壽性方正樂於貞退自歸成都以飛鍊自娛與孟繼
平許寂揚珍為入室清談之友未幾為金吾上將軍持法
平正院吏周邵受贓鬻獄宗壽捕鞫得其寔邵以重貨求
救於大閹為解宗壽不聽竟弃邵市建討鳳翔以宗壽為
第三招討使取陳倉還衍襲位宗壽請開久之衍沈於酒
色時宣華苑初成數為長夜飲宗壽在坐諫衍請以社稷為
念少近孟酌因感激流涕佞臣潘在迎頤在珣韓昭等奏
曰嘉王酒悲無恠也乃大為諧謔而罷後起為武信軍節
度使破雞子槽賊擒其魁李茂章請納賂以求免宗壽曰
吾歷官四十年未嘗受同寮之遺况尔賊乎遽命斬之唐
師入境郭崇韜遣使遺宗壽書宗壽不納聞衍降乃治裝

赴關時衍先次岐陽宗壽請於李嚴求謁衍見之泣下
曰早從王言豈至今日及衍遇害奔入熊耳山依定林寺
明宗即位詣關自陳賜與甚厚授保義軍節度使行軍司
馬上表請葬衍許之初衍至秦川驛母妻及子弟遇害者
十八人並藁葬道左至是宗壽盡易棺斂縞素徒步親自
營護偕葬於三趙村聞者義之明年授淄州刺史卒卷一
千一百三十
六第二頁

王宗鑑

宗鑑建從子也以偏裨從征建入閬州署都知兵馬使從
征東川有功遷廣都鎮遏使天復中僖宗反正建令宗鑑
以所部兵奔問行在授北路第二班馬步軍排陣使建親
征山南以宗鑑為御營使師還留屯平利時岐將劉知俊

此書乃身代史也
此書乃身代史也
此書乃身代史也
此書乃身代史也
此書乃身代史也

等繼領大軍分路來攻由階成路奪固鎮糧宗侃唐道襲
禦之至青泥嶺為知俊所敗退保西縣會大雨漢江漲宗
鐵自羅村得鄉導緣山而行數百里與宗播遇于鐵谷合
軍出湯頭時知俊自斜谷山南直抵興州圍西縣軍人散
掠巴中宗鐵與宗播襲之會建亦至遂解西縣之圍以功
遷山南節度使同平章事從征秦鳳遷中書令衍襲偽位
加太保乾德六年卒卷一萬八千一百
三十五第一頁

王宗佶

宗佶豫章人本姓甘氏幼穎利建討徐堂舉於江西獲之
憐其慧黠是時諸子未生遂收為養子每給事帳下後從
建入閩中隨諸將征討有功補貔虎都指揮使遷嘉州刺
史乾寧中建克縣州以宗佶為兵馬留後尋加檢校太傅

知節度事未幾移鎮梓州昭宗幸鳳翔建遣宗佶與宗滌
等率步騎迎駕至山南降節度使王萬弘以功加檢校太
尉武成初進爵為公拜開府守中書令宗佶恃其位隆地
長頗專攻伐而諸將皆避之多樹朋黨策勳錄舊高下在
心附順者超擢違戾者擠之散地及宗懿等兄弟成長內
不自安遂與御史中丞鄭騫判官李鋼謀求為方鎮歆為
亂建知之因進封晉國公罷其機務宗佶憤怨陰養死士
出入卧內將圖不軌鄭騫等又教宗佶求為大司馬盡總
六軍并乞為儲貳表連上而辭甚不遜建未之罪也忽一
日請對言詞甚悖建勉諭令出終不肯去因叱衛士撲殺
之騫鋼並賜死卷一萬八千一百
三十六第八頁

王宗翰

宗翰建之姊子也本姓孟氏建為神策軍使僖宗封其姊為晉國夫人宗翰最被親愛建入蜀以宗翰為拱辰軍使累遷眉彭二州刺史封集王賜姓王氏授文成等州招討制置使宗翰好蓄妓妾後庭綵翠常百餘人性殘虐各晉刺彭州日部民史有胡讓莊號為沃饒宗翰殺史民而取之元膺之亂以兵入衛建令安撫元膺倉卒而死建疑宗翰殺之竟無以自辯通正初授通義軍節度使同平章事守興元尹以杜克嗣為之佐令規正焉宗翰於泉倉置寨於捍龍山與上清寨相接分鄉兵屯守建略地秦隴以宗翰為第一招討使拔大散關取陳倉擢兵三壘而還宗翰所為不法克嗣多諫止之及為招討使請克嗣同行至大散關克嗣腹疾請歸府乃自木皮店泐流而去宗翰令以膠

船載之中流而溺天漢元年宗翰被病若見克嗣既而堂宇藩溷隨其大小皆克嗣在焉疾遂亟數日卒卷一百三二十六頁

王宗滌

宗滌潁川人本姓華名洪建將入蜀募勇敢之士以宗滌為廐將宗滌膂力驍果輕財好施為士卒所推得隸神策軍為小校建入成都以宗滌領前鋒兵奪星宿寨進攻七里亭以功奏授威信都指揮使邠州王行瑜與鳳翔李茂貞攻楊守亮於山南鳳州節度使滿存禦之為茂貞等所敗存與守亮退保山南茂貞逼之因同奔閬中建令宗滌率兵禦之破存等衆斬其將梁承裕俘數千人景福元年授邛州刺史為都指揮使攻九隴守亮遣將符昭率兵解

九隴之圍直趨成都營三學山建亟召宗滌歸夜至古城
去昭營數里乃多設更鼓遲明益張旗幟徧諸山谷昭疑
蜀師不敢出戰宗滌命發機石擊昭營中聲震山谷昭恐
懼乃夜遁去宗滌回攻九隴拔之後復建攻梓州宗滌以
衆五萬先趨東川與岐將李繼徽遇於玄武宗滌擊敗之
以功賜名五十三指揮之首梓州陷斬顧彥暉降其兵七
萬餘衆遂以宗滌為東川留守光化初奏授東川知節度
副大使事二年歸覲遂以疾乞解職建不許昭宗反正梁
祖與崔胤叶通盡誅中官更相引兵輦轂之下咫尺不通
昭宗密遣中官求承坦諭旨於建建遣宗滌與宗佶宗播
率步騎迎駕至山南遂王萬弘據其城授山南節度宗佶
等以其功高遽以飛語建疑之因至詰讓將加之罪宗滌

對曰天下寇盜平矣是大王聽邪說誅功臣之秋也建曰昨
在大謾天寨中已有不軌之言矣我念汝之勤尚為隱忍今
又狂率如此豈憲章之所容也宗滌不顧而起建因令人監
歸本營明日盡削奪官爵流於松州既行縊之于城外營中
將士聞之皆相對掩泣初建開國造端門新樓名曰紅樓
采繪既畢都人士女競往觀之曰看畫紅樓建以宗滌得
軍情復有是識故誅之人稱其寬

卷一萬八千一百
三十六第五頁

王宗佶

宗佶許昌人本姓田名師世為鄉豪隸名忠武軍籍建為
部將奏署宗佶決雲都兵馬使光啓中田令孜逼僖宗西
幸道出陳倉建率宗佶同扈蹕又從建起閬中賜姓名討
陳敬瑄敬瑄遣漢州刺史張頊領萬餘人來逆戰宗佶擊

本志性初傳有字

破之敗句惟立於學射山韋昭度來鎮西川敬瑄遣將山
行章將兵六萬拒戰宗侃破之於浣寨縣州刺史常厚奪
留東川顧彥暉旂節建令宗侃討之破其七寨厚奔緜谷
奏授宗侃雅州刺史遷眉州團練使未幾授武信軍節度
使建開國以宗侃有佐命功進侍中城內外都指揮使尋
加中書令充北路行營都統岐將李彥琛寇漢川宗侃保
安遠城與宗鐵等三將同破岐軍斬彥琛行襲位封侃為
魏王卒年六十六子承肇入洛為行軍司馬卷一萬八千一百三十六頁

王宗瑤

宗瑤字寶臣燕人也本姓姜名郅以騎射隸許昌軍籍中
建擢為隊長建迎駕山南宗瑤以勇伉得隸左神策軍能

馬上盤槊長丈八尺每臨陣馳突人望而畏之遷威猛副兵馬
使建入閩中為先鋒十九都頭左威猛都知兵馬使賜姓王
氏更今名軍至縣竹誘諸蠻酋師蹇諫等得其兵數千人破常
厚授蜀州刺史昭宗幸石門詔建赴難以宗瑤為北路行營都
指揮使奏授嘉州刺史天復中授武信軍節度使建開國加太
子少傅後封臨淄郡王建病亟以宗瑤為金吾使參預顧命衍
襲位授大傅嘗自作高冢遇暇則酣酒高歌於其中無疾忽一
旦而卒年六十七人以為知死卷一萬八千一百三十六頁

王宗播

宗播字昌遠上蔡汝陽人本姓許名存少有膽勇秦宗權
據上蔡召募豪傑以宗播為裨校宗權為梁祖所破部下
皆逃散宗播亡抵荊州聞郭禹在歸州頗完聚得士卒心

遂往依焉禹知其材令統青州元從兵三萬人時襄州兵圍逼荊州靜江遊奕將牟權領衆屯清江源據大山列寨諸營危窘宗播言於禹請討權於是伏兵清江岸中遣列校蔡行能捨舟直抵山下權素輕行能整軍來戰行能遁歸舟中推盡銳遂之宗播發伏兵掩其後擒牟權收其軍寔以歸于禹禹大喜俄而荆帥張瓌求救于禹禹宗播率岐州兵解其圍禹度瓌懦弱因據其城秦宗權上蔡別將常厚以數千人由均房來攻夔州刺史毛湘棄城遁走保白帝厚圍之禹與宗播以十擢子兵寨于南山以攻厚厚令夔校韓楚言罵禹禹不勝其辱宗播請以壯士五十人夜斫其營上赤甲山揭巨石投厚寨中厚恐懼與百人遁去遂破其寨復取夔州毛湘奔成都禹令捕韓楚言已為

通鑑
揚州府志
卷之九

其妻所殺矣先是楚言妻李氏語其夫曰君嘗為常司空罵郭尚書今寨柵危急鋸解之苦旦夕至矣不如早為之所楚言不忍曰且看事勢李度楚言終不引決乃以刃自後斷其首并殺二男一女曰無為他人所魚肉也遂自刎死禹聞之大驚駭為給棺殮刻石以旌之留行軍劉昌美守夔州與宗播沂江而上郡縣望風而潰號宗播為許掃土禹至萬州賞功以宗播為萬州刺史宗播不得志居歲餘禹遣人偵之見宗播不治州務但出蹴鞠乃曰萬州必背我勺脚力耳遣卒三百襲之宗播踰垣夜遁遲明其衆稍至遂保豐都禹攻之宗播奔成都建得之甚喜令以所部屯蜀州賜姓名奏授絳州刺史建討王萬弘以宗播為前鋒破金牛黑水西縣褒城四寨乘勝傳其城萬弘降以

功奏授漢州刺史加檢校太保建即位改金吾衛上將軍
領彭州團練使岐將劉知俊圍西縣宗播為四面招討馬
步使夾廣讓水置連珠寨首尾相應以勁卒二百出立動
礮擊之岐軍大敗遷武信軍節度使又敗諸蠻於潘倉加
兼中書令為三招討攻隴州降李繼岌封臨穎郡王被病
歸建至其第執手曰北面開拓公之力也衍襲位授太子
少傅乾德五年卒年六十八卷八十一萬八千一百
三十一萬八千一百
三十六第百六頁

王宗鈇

十國春秋卷八十一
王宗鈇傳

宗鈇許昌人本姓李名武父裕為忠武軍小校鈇少無賴
善騎射建募義兵迎駕得宗鈇以隸帳下至岐山屢有戰
功署為隊長尋遷為裨將以勇過人號為武子路建入蜀
賜姓名常寔左右遇敵必獨挑戰挾人奪馬而還遂為軍

王宗弼

中所推建攻成都一日城內出數騎直抵七里橋宗鈇因
躍馬奪閬子門蜀將宗行能策馬援槊而至將及宗鈇佯
墜馬奪槊以刺行能徑走入城宗鈇遂之至門而還建慰
勞久之撫背曰吾得成都當宥汝十死洎建開國授普州
刺史性輕率好貨恃勇不法未周歲以訟免官歸成都卷
一萬八千一百三
十六第百七頁

王宗弼

宗弼許州人本姓魏名弘夫以家籍隸忠武軍建討王仙
芝尚君長皆在帳下建取閬中補義勇都十將賜姓名及
入成都改左驍騎都知兵馬使累遷嘉眉二州刺史建征
果州宗弼掠地于飛鳥為碩彥暉所獲彥暉責之曰王公
見討而君為大將不能諫正何敢來見宗弼曰罪果當死

言和也
子名琬此彦暉所
子名琬此彦暉所
言和也

但念平昔與相公有素故敢來也彦暉笑而釋之先是岐
將常厚攻梓州彦暉乞援于建建遣宗弼等援之臨行建
謂宗弼曰汝等破賊彦暉必犒汝汝當報宴俟彦暉至營
中則擒之俱來庶免後舉也宗弼如其約及將報宴而宗
弼告之彦暉遂以疾辭故宗弼以為言於是厚待宗弼以
為養子及彦暉兵敗建圍之益急彦暉弟彦瑤有武勇知
其城必陷請彦暉聚族沈飲自裁無為它人之所魚肉一
日城陷彦瑤仗劍入室宗弼與諸子尚在彦暉頷宗弼曰
爾非我子可自求生也因壞垣而出彦瑤遂刃彦暉與諸
子而自到建入梓州宗弼束身自歸建待之如故逾年復
令將上軍再授嘉州刺史封鉅鹿郡王天貞軍節度使行
襲位拜宮城內外都指揮使判六軍事封齊王行將往秦

州宗弼曰唐兵壓境秦州何可去耶又上表切諫衍怒擲
之於地衍次利州唐師已入散關陷鳳州衍遂遣三招討
屯三泉以拒唐師未戰三招討俱遁走因令宗弼守綿谷
而誅三招討宗弼遂與三招討同送款於魏王乃還成都
斬宗光嗣等函首送於魏王遷衍及母妻于西宮貴戚納
金寶進妓妾救死於宗弼者不可勝計微有絀誤者咸遭
戮焉盡輦內藏之寶貨歸于其家魏王遣使徵犒軍錢數
千萬宗弼輒斬之魏王甚怒及王師至今其子承班齋衍
玩用直百萬獻於魏王并賂郭崇韜請以己為西川節度
使魏王曰此我家之物也為用獻來魏王入城翌日數其
不忠之罪并其子斬之於毬場軍士取其尸腐而食之先
是蜀有謠言曰我有一點藥其名為阿魏賣與十八子至

是宗獨背國歸唐果其驗也卷一萬八千一百三十六第七頁

王宗範

宗範本姓章氏幼喪父隨母周氏再造建為九夫人宗範年十歲冒姓王氏及建開國立周氏為后宗範沈厚寡言好延納名士親從軍晉暉以女妻之封夔王加太子少師永平四年黎州蠻入寇以宗範為第一招討使宗播宗壽副之乃以所賜金募果敢士出邛峽關至潘倉大破蠻眾斬其首領趙嵯政追奔至山口城與宗壽合殺八千餘人擒蠻王子趙就眉等三人以歸加中書令後隨衍入洛至長安張籤為節度留後宗範以珍玩賂籤請復姓為猶子易名師範後唐天成初王宗壽改葬衍師範來弔贈宗壽不與齒後為雍州行軍司馬卒卷一萬八千一百三十六第一頁

周博雅

博雅潁川人唐光啓中為龍州司倉參軍考滿將歸闕以川路梗澁乃寓止縣谷建至博雅袖策謁建於軍門建素聞其名一見忻然接待甚厚置之賓席博雅因說建曰唐祚將終有土疆者恣為吞噬以強并弱然以僕觀之皆非濟世之具也明公御衆有術臨事能斷僕昨在龍州已為明公籌之矣自主上蒙塵明公親鞅乘龍匍匐棧道懷國璽以從周旋患難險阻之中勤亦至矣及論功受賞不過刺史今端守一隅坐待窘迫非君子豹變之象也且葭萌四會五達之郊非久安之地若不薄人人將薄我不如果閭地與民豪揚行遷為陳田之肘掖控扼要害不修職貢以明公臨之可一鼓而擒也得其地以廣形勝得其士以

通作自多能
此在楊安

通作自多能
此在楊安

增卒伍此策之上不可失也建然之遂取閬中之地乃奏
署博雅為判官建赴成都為陳敬瑄所拒退無所保建甚
危之博雅曰兵家勝負無常古者出師自非晉重耳之賢
豈有一戰而霸者今邛南城壁完粟支數歲取之可以斷
蜀右臂願明公留意建曰吾少在戎行備知民意若無受
鉞之將必謂自固其利今欲請朝廷命將出征吾當助成
其事博雅曰善乃令博雅作奏牘朝廷嘉之下詔褒獎乃
授韋昭度西川節鉞今與建同封敬瑄割邛蜀黎雅四州
為永平軍節度使建壁靈池與王師戮力逾年會糧運不
繼建欲請韋公班師因謂博雅曰韋公歸闕我當以兵塞
劍門朝廷謂我何博雅曰今皇綱不振疆臣掣肘朝廷命
令不出閨壺明公當折節為軍民計豈得顧此也於是建

乃請韋公歸闕而上表自陳急攻成都克之奏授博雅觀
察判官後出知渝州未幾詔加節度判官遷嘉州刺史建
開國名拜成都尹遷御史中丞俄拜中書侍郎平章事建
薨葬永陵博雅議山陵事俄請老遷左僕射出為永平軍
節度使雲南安撫使依舊平章事卒年六十六博雅本名
詳犯孟知詳名蜀史追改之

卷一萬八千一百
三十六第三百

晉暉

暉許州人父和為忠武軍列校暉少有膽氣杜審權鎮許
昌以暉為頭營十將從鹿晏弘迎駕至山南晏弘遲留不行
暉素與建相善謂建曰鑿駕將回晏弘觀望不進而姑息
吾輩甘言見誘苟不自圖去就禍且及矣不如以所部兵
為勤王之舉不爾為晏弘所累且官車反正以吾等為賊

黨何面目行於天下建然之遂俱行迎至三泉僖宗嘉之名其軍曰忠義以暉為指揮使隸右神策軍及再幸褒斜復統南營兵與建同為先鋒天子居梁暉統四都兵屯黑水修營棧道往來無阻朝廷慮其疆盛因罷拱衛授集州刺史以散其朋聚一歲之中凡歷數郡蓋欲窘之也建圍梓州遂往會焉建以暉為壕寨使建開國授武泰軍節度使同平章事黔中郡縣多屬涪陵比部員外郎陳凝為涪州守以暉制衙中不帶涪州刺史遂不納牌印暉上疏歸之凝責授瀘州司戶暉招來逋竄剷除蠹弊州民愛之罷上表請老日夕與親友宴談壕為娛嘗自言曰吾生罹多難學執干戈者為求飽暖耳今至此矣復有何望我嘗拔王宗魯於行陳今致位將相女復為王妃矣分封弘農郡

王卒年七十九

卷一萬八千一百三十六第四頁

張造

造長社人父公素齊州長史造幼好兵家之學年二十應募隸忠武軍從鹿晏弘出征及晏弘據褒中心無回志因與建謀曰吾輩遠離鄉土保聚無名今大駕將回主帥反側或隨其逃遁則皆賊也不如率眾拱衛以取美名建納之遣使上表僖宗驛召旌賞遂參翊衛隸神策軍及再幸褒中以扈從功授萬州刺史道阻不能去會建起兵閬中以造為行軍司馬廣漢狼盡建慮軍情有變謀各據一郡以自固造首唱大義慰諭將士眾皆感悅龍紀初詔授行營諸軍馬步都虞候遷茂州刺史從建討陳田引軍攻笮橋為陳敬瑄所敗歿于陣年四十五建以其死事聞詔贈

李彦昭

司徒子彦昭為感德都知兵馬使後建收巴西破葛佐授
劍州刺史建圍梓州彦昭攻堅力戰歿於陣建痛惜撫其
尸以泣曰父死於前子繼於後忠勇之節出卿一門矣

張勳

勳長葛人善推步之學少隸忠武軍籍後討王仙芝以勇
敢稱建以所部迎駕署勳義勇都判官復隸神策軍乃統
占候之要著太一玄精秘訣詩七十一首以獻僖宗奇之
詔與建同列從建起閬中破德陽寨斬王彥儔時建屢為
山行章所困勳每臨陣拔槊蒙輪殺十餘人敵為之稍却
奏授定信軍都知兵馬使大順中與王宗保同破浣花寨
建將入成都城中多亡命不逞之徒建恐其搆亂乃令勳
為諸都斬斫使兼左右廂都虞候以誘掖鎮撫之勳既入

李簡

城索無賴者得百餘人悉鞭其背死者相藉中外帖然不
敢偶語建即位歷眉邛二州刺史卒卷一萬八千一百
三十六第四頁

李簡

大順二年陳田遣簡中犀浦至
常存適至云：擢大順元年正月
建攻邛州陳敬瑄分兵屯寨于
犀浦即道山江等縣四日敬瑄
遣侄漢海將兵二家救邛州
戰敗九月都知兵馬使任可
起斬刺史毛洙來降二年十
二月楊守亮令楊州刺史楊
守厚攻梓州連遣使問守厚
厚破七紫景福元年二月楊
使女將呂楚娘兵合楊守厚
攻梓州同擊楚娘之二月段
遙揚守貞守忠守厚攻赤川
簡隨守忠守鏗守新羅守子
仲人攻邛州降毛洙時大順元
簡許州長葛人少以驍勇隸忠武軍從鹿晏弘出征有功
遷為列校建起閬中簡為義勇都副兵馬使大順二年陳
田遣將屯犀浦簡以所部擊破之武定節度使楊守忠與
常厚舉兵援陳田建令簡逆擊之相遇於鐘陽簡謂諸校
曰賊遠來多疲及其未成列擊之遂整陣鳴鼓而進連破
其七寨斬首千餘級擒其將楊知宥楊行立等獲其軍資
甲馬不可勝計建攻毛湘於邛州以簡為前鋒晉原守任
從誨領步騎二萬銜救奄至解邛州之圍簡曰賊輕而驕
正可用奇不勞與戰乃分步騎三千為兩翼潛河村俟其

年謀取西川之計討李厚新
吳楚擊李忠皆大順二年
吳福元年謀取西川之計
前後判然此信也並極
高祖存紀

半過夾擊之後誨敗俘甲馬數千俄而邛州軍使任可知
斬湘以降建令簡入城慰撫景福中彭州部將李堯率兵
焚繁雒以援常厚建令簡逆擊之臨陣斬堯遂進攻其城
連拔七寨常厚遁走建獻捷於朝以簡為邛州刺史卒於
治所卷一萬八千一百

潘在迎十國春秋六入前蜀但此志既標明前蜀炆子下又詳叙化後蜀炆子且于建曰王建不知祥別曰知祥而已應入後蜀臣傳為合

在迎字亞卿前蜀樞密使炆之子身長六尺精神警悟少
任俠不修細行交結屠狗天復中起家節度押衙王建開
國以為扈蹕軍使檢校司徒守羽林大將軍內皇城使唐文
宸構難謀害宿將委在迎以腹心黜者既行多以後命誅
在迎妻徐氏后兄女也為營護之獲免行荒於酒色在迎
與韓昭輩多預宴宮中自昏達旦王宗壽泣諫衍在迎等

後田二字物

紹以酒悲自是大臣結舌無敢言者王宗壽鎮果州以在
迎為都指揮使知州事渠江賊杜處齊招納亡命據巴王
城在迎討平之以功授果州團練使魏王繼岌平蜀補為
右職知祥鎮成都復令典兵未幾出為蜀州刺史董璋遣
使并韜於郡中置邸回易在迎給事蓋仁達盜官麥以逃
誣告在迎曰并韜密餽金于董璋知祥命執仁達送于蜀
州在迎斬之尋令在迎以州兵安撫後田乃服藥下痢以
疾告召歸知祥親臨問焉遂請致仕從之嘗謂人曰我于
前蜀有誅唐宸安社稷功當合秉旄鉞今逮事霸王親觀
虎變求一鎮不得命矣夫明德末卒於成都年五十五在
迎辯而多詐以財發跡至於權門要地悉啗以厚利曰未
必盡仗之但不欲其冷語爾卷一萬八千一百三十七



